

中和集敘

維揚損菴蔡君志願瑩蟾子李清菴之門人也勘破凡塵篤修  
仙道得清菴之殘膏賸馥編次成書題曰中和集蓋取師之靜  
室名也大德丙午秋謁余印可欲壽諸梓開悟後人余未啓帙  
先已知羣妄掃空一真呈露謂如天付之而爲命人受之而爲  
性至於先天太極自然金丹光照太虛不假修煉者漏泄無餘  
矣可以窮神知變而深根甯極可以脫胎神化而復歸無極也  
抑以見道之有物混成儒之中和育物釋之指心見性此皆同  
上異曲咸自太極中來是故老聖常善救人佛不輕於汝等周  
公豈欺我哉覽是集者切忌生疑當塗南谷杜道堅書於錢塘

道藏輯要

中和集  
敘

壹

易集八  
川上

玄元真館